



Pravilnik
o dopunama Pravilnika o prijavljivanju korupcije i zaštiti lica koje prijavi korupciju u
Centralnoj izbornoj komisiji Bosne i Hercegovine

Sarajevo, decembar 2014. godine

Na osnovu člana 5. stav (2) Zakona o zaštiti lica koja prijavljuju korupciju u institucijama Bosne i Hercegovine („Službeni glasnik BiH”, broj 100/13) i člana 61. stav (2) Zakona o upravi („Službeni glasnik BiH”, br. 32/02 i 102/09), Centralna izborna komisija Bosne i Hercegovine je na 81. sjednici održanoj 08.12.2014. godine, d o n i j e l a

P r a v i l n i k

o dopunama Pravilnika o prijavljivanju korupcije i zaštiti lica koje prijavi korupciju u Centralnoj izbornoj komisiji Bosne i Hercegovine

Član 1.

U stavu (1) člana 5. Pravilnika o prijavljivanju korupcije i zaštiti lica koje prijavi korupciju u Centralnoj izbornoj komisiji Bosne i Hercegovine broj: 05-1-02-2-334-2/14 od 09.04.2014. godine u tački e) iza riječi „Centralnoj izbornoj komisiji BiH“ dodaju se riječi „jednom mjesečno“.

Član 2.

U članu 7. iza stava (2) dodaje se novi stav (3) koji glasi:

„(3) Prijavljivanje može se vršiti putem zapečaćenog sandučeta za poštu, postavljenog u sjedištu Centralne izborne komisije BiH, koji nije pokriven video nadzorom. Komisija je obavezna na kraju svake sedmice u tekućem mjesecu izvršiti otvaranje ovog sandučeta kako bi provjerila da li se u istim nalaze prijave sa kojima će postupati na način kako je utvrđeno odredbama ovog pravilnika.“

Dosadašnji st. (3), (4), (5) i (6) postaju st. (4), (5), (6) i (7).

Član 3.

U članu 9. iza stava (2) dodaju se novi st. (3), (4), (5), (6), (7) i (8) koji glase:

„(3) Upis u Registar prijava vrši predsjedavajući Komisije.

(4) Registar prijava vodi se u obliku knjige, formata 300x200mm, uvezane u tvrde korice od trajnog materijala i isti ima sadržaj:

Red. br.	Broj prijave	Sadržaj prijave	Datum prijave	Prezime i ime/anonimno	Razvod –način rješavanja (rješen, ustupljen, arhiviran)
-----------------	---------------------	------------------------	----------------------	-------------------------------	--

(5) Stranice registra prijava, osim naslovne i prve unutrašnje stranice, označene su rednim brojevima. Predsjedavajući Komisije prije prvog upisa ovjerava registar svojim potpisom i pečatom Centralne izborne komisije BiH na način da na prvoj unutrašnjoj stranici registra upiše tekst ovjere koji glasi: “ Ovaj registar sadrži ukupno _____ stranica”. Registar prijava pored materijalnog oblika, vodi se i u elektronskom obliku, sa podacima kako je navedeno u stavu (5) ovog člana.

(6) Popunjavanje rubrika u registru obavlja se upisivanjem odgovarajućih podataka koji su naznačeni za svaku rubriku posebno. Rubrike se popunjavaju čitko, tintom ili hemijskom olovkom, na način da se upisivanje obavlja od početka slobodne rubrike. Upisani tekst u registru ne smije se brisati i ispravljati. Iznimno, manje pogreške ispravljaju se precrtavanjem vodoravnom crtom i stavljanjem potpisa ovlaštenog lica zaduženog za vođenje registra i datuma ispravke. Ako se radi o većim greškama, cijeli se spis poništava precrtavanjem registarske stranice crvenom kosom crtom i upis se obavlja na prvoj slobodnoj stranici.

(7) Registar prijava smatra se knjigom, odnosno ispravom trajne vrijednosti i čuva se trajno. Predsjedavajući Komisije dužan je čuvati registar na način da ga zaštiti od zloupotrebe, oštećenja i uništenja, u posebnoj prostoriji, smješten u željeznom ili drvenom ormaru osiguran bravom.”

Član 4.

Ovaj pravilnik stupa na snagu danom donošenja i objavljuje se na oglasnoj tabli i web stranici Centralne izborne komisije BiH.

Broj: 05-1-02-2-334-6/14

Sarajevo, 08.12.2014.godine



Predsjednik

Stjepan Mikić